

"Hidup di universiti bukan untuk mendapat segulung ijazah sahaja, ia harus dipelbagai dan dimanfaatkan seelochnya kerana saya sentiasa yakin, universiti memanusiakan manusia, bukan melahirkan robot yang hanya tahu bekerja".

Demikian pandangan bernesaran personaliti *Student Aktivis* kali ini mengenai penglibatan mahasiswa dalam aktiviti berpersatuhan, Madyasir Ahmad Basir, 21, penuntut tahun dua Ijazah Sarjana Muda Sains Komputer (Kejuruteraan Perisian)

Madyasir ialah Yang Dipertua Majlis Perwakilan Pelajar (YDP MPP) Universiti Malaysia Pahang (UMP), 2015/2016 dan mula aktif sejak tahun pertama lagi. Dia juga muncul YDP paling muda dalam kalaangan YDP di UMP yang kebanyakannya menerima lantikan pada tahun dua, dan tiga pengajian.

Menurutnya, penglibatan aktif mahasiswa untuk berpersatuhan di alam kampus mampu menjadikan mereka lebih menonjol selain meningkatkan kemahiran insaniah (*softskill*).

BERFIKIRAN POSITIF

Memberi contoh diri sendiri, Madyasir berkata, dia aktif menjadi fasilitator untuk pelbagai program dan aktiviti seperti kem kepimpinan, kem motivasi untuk sekolah rendah, menengah dan matrikulasi.

Madyasir juga pernah bertindak sebagai pengurus dan penyelaras untuk projek kepimpinan. "Saya juga aktif sebagai pengacara, semasa majlis Amanat Naib Canselor Minggu Induksi Siswa 2015, saya mengambil peranan sebagai juruacara majlis tersebut," katanya.

Anak kelahiran Kota



Madyasir merakam kenangan bersama Menteri Pendidikan Tinggi, Datuk Seri Idris Jusoh.



Sedia berbakti untuk semua

Madyasir sentiasa positif, berusaha ke arah lebih baik

Kinabalu, Sabah
kepada pasangan
Ahmad Basir
Radzi dan Haliza

Palok ini mengakui tidak dibesarkan dalam kalaangan keluarga yang bergelar pemimpin, namun ibu bapanya sentiasa aktif dalam berpersatuhan seperti Rukun Tetangga, program kemasyarakatan dan badan kebajikan.

"Daripada pembudayaan kerja sebegini saya belajar betapa pentingnya berbakti kepada masyarakat," katanya.

Anak sulung daripada empat beradik ini sering dilihat seorang yang serius dan sombang, tapi sebenarnya mudah mesra apabila kenal.

Tambahnya, keputusan untuk bertanding dan terlibat secara langsung dalam kepimpinan adalah atas kemauan diri sendiri untuk jadi insan yang lebih baik.

Berkaitan peranan dan amanah sebagai YDP pula, Madyasir berkata, dia sentiasa berfikir positif, terima segala jenis teguran dengan

sebaiknya.
"Saya akan analisis terlebih dahulu, sama ada teguran tersebut berbentuk membina atau negatif. Sekiranya membina, saya akan muhasabah diri dan berusaha berubah ke arah lebih baik. Sekiranya bersikap mengecam atau omongan kosong, diabaikan kerana anggap saja ia rendah pemimpin dalam mengemudi organisasi," katanya.

TELITI DALAM SEGALA HAL

Madyasir berkata, begitu juga dalam perkara yang menuntut dirinya membuat keputusan, segalanya mampu diatas dengan semakan secara teliti dan perincangan.

"Kaedah yang saya gunakan adalah pelbagai dan bergantung kepada situasi. Ada ketika memerlukan saya panjangkan isu kepada perincangan bersama MPP.

"Ada juga situasi mendesak atau segera menggunakan kebijaksanaan dan fikiran kritis membuat keputusan secara *on the spot*. Saya tiada cara yang tetap, ia bergantung pada situasi atau senario yang



Naib Canselor UMP, Prof. Datuk Dr Daing Nasir Ibrahim (dua, kanan) melihat wawatih selepas majlis angkat sumpah jawatan ahli MPP UMP sesi 2015/2016.



Bersama rakan ketika menyertai aktiviti luar.

berlaku," katanya.

Menurut Madyasir, banyak pengalaman juga sebagai perkongsian, menjadi seorang pemimpin mahasiswa, membuatkan dirinya lebih proaktif dan berani dalam menyampaikan pendapat.

"Saya juga menjadi lebih kritikal dan berhati-hati dalam melakukan sebarang keputusan dan tindakan. Kami barisan MPP sedia berkhidmat untuk mahasiswa."

"Harapan saya agar amanah yang diberikan oleh universiti ini, mampu digunakan penuh tanggungjawab, keterampilan, berintegriti bersama sokongan padu daripada pelajar dan pihak pengurusan universiti."

"Barisan MPP juga mengharapkan rakan-rakan mahasiswa boleh memainkan peranan penting dalam membantu universiti mencapai hasratnya," katanya.

Terabit dalam dunia kepimpinan, menjadikan dirinya mengenal erti sebuah perjalanan politik.

Katanya, berpolitik adalah hak mahasiswa itu sendiri. Bagaimanapun, seseorang mahasiswa itu haruslah ingat bahawa apabila di dalam kampus, mereka tertakluk kepada Akta Universiti dan Kolej Universiti (Auk).

"Tiada masalah jika siswa berhasrat terlibat dalam arus perdana politik, tapi batas-batas dan integriti sebagai seorang mahasiswa haruslah dipelihara," katanya.